



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Broj: 03-017-524/2017
Dana, 20.01.2017. godine

SKUPŠTINA UNSKO-SANSKOG KANTONA
- n/r Predsjedavajućeg Skupštine Kantona



PREDMET: Mišljenje Ministarstva zdravstva, rada i socijalne politike na Prednacrt Zakona o
mirnom rješavanju radnih sporova Federacije Bosne i Hercegovine,
d o s t a v l j a s e;-


Na osnovu člana 108. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 5/04), u prilogu Vam dostavljamo Mišljenje Ministarstva zdravstva, rada i socijalne politike na Prednacrt Zakona o mirnom rješavanju radnih sporova Federacije Bosne i Hercegovine, uz slijedeće:

O b r a z l o ž e n j e

Vlada Unsko-sanskog kantona je na sjednici održanoj dana 20.01.2017. godine, razmatrala i prihvatila Mišljenje Ministarstva zdravstva, rada i socijalne politike na Prednacrt Zakona o mirnom rješavanju radnih sporova Federacije Bosne i Hercegovine, te vam isto dostavljamo na dalje postupanje.

PRILOG:- Zaključak Vlade Kantona broj:03-017-524/2017
od 20.01.2017. godine
- Mišljenje





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona na sjednici održanoj dana 20.01.2017. godine, donosi:

ZAKLJUČAK

I

Vlada Unsko-sanskog kantona prihvata Mišljenje Ministarstva zdravstva, rada i socijalne politike na Prednacrt Zakona o mirnom rješavanju radnih sporova Federacije Bosne i Hercegovine.


II

Mišljenje iz tačke I ovog Zaključka čini sastavni dio ovog Zaključka i isto se upućuje Skupštini Unsko-sanskog kantona na dalje postupanje.

III

Ovaj Zaključak stupa na snagu danom donošenja.

Broj: 03-017-524/2017
Bihać, 20.01.2017. godine



PREMIJER KANTONA
mr. sc. Husein Rošić

6.10



Ustavni osnov za donošenje Zakona o mirnom rješavanju radnih sporova sadržan je u odredbama člana IV.A.20. (1) d), a u vezi sa članom III.2.e) i članom II. A. 2.1.) Ustava Federacije Bosne i Hercegovine.

Prema odredbama člana IV.A.20.(1) d) Ustava Federacije Bosne i Hercegovine, Parlament Federacije Bosne i Hercegovine nadležan je za donošenje zakona o vršenju funkcija federalne vlasti, a prema odredbama člana III.2.e) federalna vlast i kantoni nadležni su za socijalnu politiku.

Federalno Ministarstvo rada i socijalne politike je izradilo Prednacrt Zakona o mirnom rješavanju radnih sporova, a kako se ovim Zakonom uređuje oblast koja je u zajedničkoj nadležnosti federalne i kantonalnih vlasti, nakon izvršene analize teksta, d a j e m o s l i j e d e ć e :


MIŠLJENJE

na Prednacrt Zakona o mirnom rješavanju radnih sporova

- U tekstu člana 1. Prednacrt predmetnog Zakona u stavu 2. navedeno je „ postupak mirnog rješavanja radnih sporova pokreće se i vodi u skladu sa ovim zakonom, ukoliko o istom nije odlučeno pravosnažnom sudskom odlukom“. Na osnovu ovako definisane odredbe, proizilazi da mirno rješavanje spora nije obavezujuća odredba. Mišljenja smo da bi mirno rješavanje radnog spora trebalo u Zakonu biti utvrđeno kao obavezujuća odredba, pa u vezi s tim predlažemo da se u stavu (2) iza riječi zakonom, brišu riječi „ ukoliko o istom nije odlučeno pravosnažnom sudskom odlukom“.
- U tekstu člana 2. stav 1. podtačka c) definisan je pojam miritelja. Predlažemo da se pojam miritelja u odredbama Zakona definiše na slijedeći način: „miritelj je lice kojeg strane u sporu zajednički izaberu da posreduje između strana u sporu, dajući im prijedloge i preporuke u svrhu zaključivanja sporazuma o mirnom rješavanju spora“.
- U tekstu člana 2. stav 1. podtačka g) data je definicija Mirovnog vijeća. Predlažemo da se definicija Mirovnog vijeća izmijeni i da glasi: „Mirovno vijeće je tijelo kojeg strane u individualnom i kolektivnom radnom sporu osnivaju sporazumom, a sastavljeno od po jednog predstavnika strana u sporu i jednog miritelja kojeg zajednički izaberu i koje imaju zadatak da stranama u sporu daju prijedloge i preporuke radi zaključivanja sporazuma o mirnom rješavanju radnog spora“.
- U tekstu člana 2. stav 1. podtačka h) stoji: „arbitražno vijeće je tijelo koje se osniva u skladu sa ovim Zakonom radi konačnog rješavanja radnog spora“. Predlažemo da se podtačka h) mijenja i da glasi: „arbitražno vijeće je tijelo koje se osniva u skladu sa ovim Zakonom radi konačnog rješavanja radnog spora kojeg strane u sporu mogu sporazumno povjeriti arbitraži“.

- U tekstu člana 4. stav 1. iza riječi u sporu, predložimo brisati riječi „ tijelo za mirno rješavanje kolektivnih sporova“, a pisati riječi „ Mirovno vijeće“.
- U tekstu člana 8. stav 2. i stav 3. umjesto riječi „ tijelo za mirno rješavanje radnih sporova“, predložimo da stoji „Mirovno vijeće za rješavanje radnih sporova“, iz razloga što je u članu 7. stav 3. već utvrđeno da mirenje provodi Mirovno vijeće.
- Član 10. predložimo brisati cijeli tekst, a pisati novi tekst koji glasi „Mirovno vijeće za područje kantona se formira isto kao Mirovno vijeće za područje Federacije BiH, s tim što listu miritelja utvrđuje Ekonomsko-socijalno vijeće za područje Kantona“. Predložimo dodati stav 2. koji treba da glasi. “Mirovno vijeće iz stava 1. ovog člana formira rješanjem kantonalni ministar nadležan za rad, u skladu sa ovim Zakonom”.
- U tekstu člana 11. stav 1. predložimo iza riječi “Ministarstvo”, dodati riječi “nadležno za rad”.
- U tekstu člana 12. stav 1. iza riječi “Ministarstvo”, dodati riječi “nadležno za rad”.
- U tekstu člana 12. stav 2. brisati riječi “određuje ga federalni ministar”, a pisati riječi “nadležni općinski sud”.
 Obrazloženje: ne može miritelja određivati federalni niti kantonalni ministar, jer se u većini slučajeva Vlada pojavljuje kao poslodavac u radnom sporu.
- Član 18. stav 9. iza riječi i druga pitanja, brisati tekst do kraja rečenice, a pisati riječi „uređuje se kao i za područje Federacije BiH, a Arbitražno vijeće formira kantonalni ministar u skladu sa ovim Zakonom“.
- Tekst člana 20. stav 2. iza riječi Ministarstvo, dodati riječi „nadležno za rad“.
- Član 24. stav 4. iza riječi „Federacije BiH“ staviti zarez, pa dodati riječi „, a lista za kanton u Službenom glasniku kantona“.
- Član 28. stav. 1. iza riječi „sa rada“ brisati riječi „bez naknade plaće“.
- Član 33. brisati u potpunosti.
 Obrazloženje: ukoliko se primjedbe date u ovom mišljenju uvrste u Prednacrt Zakona o mirnom rješavanju radnih sporova, Kantoni nebi morali donositi svoj podzakonski propis kojim bi se regulisalo formiranje Mirovnog vijeća i Arbitraže za područje Kantona, njihov sastav, način rada i druga pitanja koja se odnose na njihov rad.

S poštovanjem,



MINISTAR
 Dženis Sabulić, mr. ph.

Ažur

4025

89

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
MINISTARSTVO PRAVOSUDA I UPRAVE



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
MINISTRY OF JUSTICE

Broj: 07-02-13779-4/2016 AŠ
Bihać, 30.11.2016. godine

MINISTARSTVO ZDRAVSTVA,
RADA I SOCIJALNE POLITIKE

PREDMET : Mišljenje, dostavlja se,-
Veza: Vaš akt broj: 09-02-13779-3/16 od 11.11.2016.godine

Na osnovu člana 25. Poslovnika o radu Vlade Unsko-sanskog kantona („Službeni glasnik Unsko-sanskog kantona“ broj: 26/12 i 3/14), o dostavljenom Prednacrtu Zakona o mirnom rješavanju radnih sporova, Ministarstvo pravosuđa i uprave, daje sljedeće:


MIŠLJENJE

Prednacrt Zakona o mirnom rješavanju radnih sporova, u skladu je sa propisima iz člana 25. stav 1. alineja 2. Poslovnika o radu Vlade Unsko-sanskog kantona, u kojem je utvrđeno da ovo Ministarstvo daje mišljenje na nacрте i prijedloge propisa u pogledu njihove usklađenosti s propisima o ostvarivanju ljudskih prava i sloboda, organizacije pravosuđa, organizacije organa uprave i upravnih organizacija i odredaba o sankcijama.

S poštovanjem,

Dostavljeno:

naslovu
-a/a



MINISTAR

dr. sci. Nikola Findrik

BIHAC I HERCEGOVINA
FEDERACIJA BOSNE I HERCEGOVINE
DRAVSKO-SANSKI KANTON
MINISTARSTVO ZDRAVSTVA
RADE I SOCIJALNE POLITIKE
BIHAC

PRIMJEDBE NA PREDNACRT ZAKONA O MIRMOM RJEŠAVANJU RADNIH
SPOROVA ZA TERITORIJU FEDERACIJE BOSNE I HERCEGOVINE

Pozdravljeni,
Kontaktiramo Vam naše primjedbe na Prednacrt Zakona o mirmom rješavanju radnih sporova za područje Federacije Bosne i Hercegovine.

Član 9.

Stav 1. na riječi „u skladu sa Ovim zakonom „brisati riječi „federalni ministar“ i pisati riječi: “
općinsko-socijalno vijeće” i nastaviti dalje tekst kao u Prednacrtu.
Obrazloženje: Ne može ministar utvđivati listu, jer se u većini slučajeva Vlada pojavljuje kao
poslodavac to može samo ESV u čijem sastavu su predstavnici Vlade Sindikata i
poslodavaca;

Član 10.

Brisati stari tekst i pisati novi tekst: “Mirovno vijeće za područje kantona se formira isto kao Mirovno
vijeće za područje Federacije BiH s tim što listu miritelje utvrđuje Ekonomsko-socijalno vijeće za
područje Kantona
Dio čl. Stav. 2. koji glasi: “Mirovno vijeće iz Stava 1. Ovog člana formira rješenjem kantonalni
ministar u skladu sa Ovim zakonom”;

Član 12.

Stav 1. na riječi: “podređuje ga federalni ministar”, a pisati riječi: “Nadležni općinski sud”
(Obrazloženje: ne može ga određivati federalni, niti kantonalni ministar, jer se vlada u većini slučajeva
pojavljuje kao poslodavac u radnom sporu)

Član 15.

Član 15. (1) U slučaju izjave o povlačenju kandidature, kandidat može pisati riječ „miritelj“. (Ova izjava može biti izdata od strane kandidata, ali ne može biti izdata od strane kandidata koji nije član lista.)
(2) U slučaju izjave o povlačenju kandidature, kandidat može pisati riječ „miritelj“. (Ova izjava može biti izdata od strane kandidata, ali ne može biti izdata od strane kandidata koji nije član lista.)
(3) U slučaju izjave o povlačenju kandidature, kandidat može pisati riječ „miritelj“. (Ova izjava može biti izdata od strane kandidata, ali ne može biti izdata od strane kandidata koji nije član lista.)

Član 18.

Član 18. (1) U slučaju izjave o povlačenju kandidature, kandidat može pisati riječ „miritelj“. (Ova izjava može biti izdata od strane kandidata, ali ne može biti izdata od strane kandidata koji nije član lista.)
(2) U slučaju izjave o povlačenju kandidature, kandidat može pisati riječ „miritelj“. (Ova izjava može biti izdata od strane kandidata, ali ne može biti izdata od strane kandidata koji nije član lista.)
(3) U slučaju izjave o povlačenju kandidature, kandidat može pisati riječ „miritelj“. (Ova izjava može biti izdata od strane kandidata, ali ne može biti izdata od strane kandidata koji nije član lista.)

Član 24.

Član 24. (1) Na kraju stava iza riječi „Federacije BiH“ staviti zarez, pa " nastaviti pisati "a Lista za kantoni i općine" kao glasnik kantona.

Član 28.

Član 28. (1) U slučaju izjave o povlačenju kandidature, kandidat može pisati riječ „bez naknade plaće“.

Član 33.

Član 33. (1) Oporuka. Oporuka je već smo u Primjedbama naveli da se odredbe Ovog zakona trebaju primjenjivati na nivou kantona kad se navedena primjedbe ugrade.

poštovanjem,



Predsjednik :
MUHAMED MAHMUTOVIĆ

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO RADA I SOCIJALNE POLITIKE**

Prednacr

**ZAKON
O MIRNOM RJEŠAVANJU RADNIH SPOROVA**

Sarajevo, novembar 2016. godine

**ZAKON
O MIRNOM RJEŠAVANJU RADNIH SPOROVA**

DIO PRVI - OSNOVNE ODREDBE

**Član 1.
(Predmet Zakona)**

- (1) Ovim zakonom uređuje se postupak mirnog rješavanja radnih sporova (individualnih i kolektivnih), način određivanja miritelja i arbitara i druga pitanja od značaja za mirno rješavanje radnih sporova za teritoriju Federacije Bosne i Hercegovine (u daljem tekstu: Federacije), ako drugim zakonom nije drugačije određeno.
- (2) Postupak mirnog rješavanja radnih sporova pokreće se i vodi u skladu sa ovim zakonom, ukoliko o istom nije odlučeno pravosnažnom sudskom odlukom.

**Član 2.
(Definicije pojmova)**

- U smislu ovog zakona, pojedini izrazi imaju sljedeće značenje:
- a) stranom u individualnom radnom sporu smatraju se radnik i poslodavac (u daljem tekstu: strane u sporu);
 - b) stranom u kolektivnom radnom sporu smatraju se učesnici u zaključivanju kolektivnog ugovora (u daljem tekstu: strane u sporu);
 - c) miriteljem se smatra lice izabrano za miritelja u skladu sa ovim zakonom koje kao član mirovnog vijeća posreduje između strana u sporu, te daje prijedloge i preporuke, sa ciljem zaključivanja sporazuma o mirnom rješavanju radnog spora;
 - d) arbitrom se smatra lice koje kao član arbitražnog vijeća donosi odluku kojom se okončava radni spor;
 - e) individualni radni spor je spor koji se vodi povodom prestanka ugovora o radu, ponude i zaključivanja ugovora o radu pod izmijenjenim uvjetima, neispaćivanja plaća i naknada, otpremnine i naknade štete (u daljem tekstu: individualni spor);
 - f) kolektivni radni spor je spor nastao povodom zaključivanja, primjene, izmjene ili dopune, odnosno otkazivanja kolektivnog ugovora, donošenja i primjene pravilnika o radu, ostvarivanja prava na sindikalno organizovanje, osnivanja vijeća zaposlenika, štrajka i drugih kolektivnih prava (u daljem tekstu: kolektivni spor);
 - g) mirovno vijeće je tijelo koje sporazumno osnivaju strane u individualnom i kolektivnom radnom sporu koje daje prijedloge i preporuke u cilju zaključivanja sporazuma o mirnom rješavanju spora;

- h) arbitražno vijeće je tijelo koje se osniva u skladu sa ovim zakonom radi konačnog rješavanja radnog spora.

Član 3.

(Dobrovoljnost u mirnom rješavanju sporova)

- (1) Strane u sporu dobrovoljno odlučuju o mirnom rješavanju radnog spora, ako ovim ili drugim zakonom nije drugačije određeno.
- (2) Strane u sporu same biraju miritelje i arbitre sa Liste miritelja i arbitara (u daljem tekstu: Lista).

Član 4.

(Učesnici u postupku mirnog rješavanja sporova)

- (1) U postupku mirnog rješavanja radnog spora učestvuju strane u sporu, odnosno tijelo za mirno rješavanje kolektivnih sporova, u skladu sa ovim zakonom.
- (2) Miritelji, odnosno arbitri u svom radu dužni su da postupaju savjesno i nepristrasno.

Član 5.

(Troškovi postupka mirenja, odnosno arbitraže)

Svaka strana u sporu snosi svoje troškove nastale u postupku mirenja, odnosno arbitraže, osim troškova miritelja, odnosno arbitra sa Liste koju utvrđuje u skladu sa ovim zakonom federalni ministar rada i socijalne politike (u daljem tekstu: federalni ministar), čije troškove snosi Federalno ministarstvo rada i socijalne politike (u daljnjem tekstu: Ministarstvo).

DIO DRUGI – MIRNO RJEŠAVANJE RADNIH SPOROVA

Član 6.

(Mirno rješavanje kolektivnih radnih sporova)

- (1) U slučaju spora o zaključivanju, primjeni, izmjeni ili dopuni odnosno otkazivanju kolektivnog ugovora ili drugog sličnog spora vezanog za kolektivni ugovor (kolektivni radni spor), ako strane nisu dogovorile način mirnog rješavanja spora, provodi se postupak mirenja, u skladu sa ovim zakonom.
- (2) Mirenje iz stava 1. ovog člana provodi mirovno vijeće.

Član 7.
(Mirno rješavanje individualnih radnih sporova)

- (1) Prije podnošenja tužbe radnik i poslodavac mogu se dogovoriti o mirnom rješavanju spora na način i pod uvjetima predviđenim ovim zakonom.
- (2) Ukoliko se postupak iz stava 1. ovog člana ne okonča u razumnom roku, koji ne može biti duži od 60 dana ili se postupak mirenja okonča neuspješno, radnik ima pravo da podnese tužbu nadležnom sudu, u rokovima koji teku od dana okončanja postupka mirenja.
- (3) Mirenje iz stava 1. ovog člana provodi mirovno vijeće.

Član 8.
(Mirovno vijeće)

- (1) Mirovno vijeće može biti formirano za teritoriju Federacije, odnosno za područje kantona.
- (2) Tijelo za mirno rješavanje radnih sporova formirano za teritoriju Federacije nadležno je za: kolektivne radne sporove koji proizilaze iz kolektivnih ugovora zaključenih za teritoriju Federacije ili područje dva ili više kantona, te za individualne i kolektivne radne sporove u kojima je jedna od strana federalni organ uprave, federalna upravna organizacija, federalna javna ustanova, javno preduzeće, privredno društvo i drugo pravno lice čije je osnivač Federacija.
- (3) Tijelo za mirno rješavanje radnih sporova formirano za teritoriju kantona nadležno je za: kolektivne radne sporove koji proizilaze iz kolektivnih ugovora zaključenih za područje jednog kantona, te za individualne i kolektivne radne sporove u kojima je jedna od strana poslodavac čije je sjedište na području tog kantona.

Član 9.
(Mirovno vijeće za teritoriju Federacije)

- (1) Mirovno vijeće za teritoriju Federacije sastoji se od tri člana, i to: jednog predstavnika poslodavca, jednog predstavnika sindikata, kao i jednog predstavnika - miritelja kojeg izaberu strane u sporu sa Liste koju utvrđuje u skladu sa ovim zakonom federalni ministar, a koji obavlja poslove predsjedavajućeg mirovnog vijeća.
- (2) Mirovno vijeće iz stava 1. ovog člana formira rješenjem federalni ministar, u skladu sa ovim zakonom.
- (3) Protiv rješenja iz stava 2. ovog člana nije dozvoljena žalba, ali se može pokrenuti upravni spor.
- (4) Mirovno vijeće iz stava 1. ovog člana donosi pravila o postupku pred tim vijećem. Administrativne poslove za mirovno vijeće formirano za teritoriju Federacije, vrši Ministarstvo.
- (5) Troškove za člana mirovnog vijeća sa liste koju utvrđuje federalni ministar, snosi Ministarstvo.

Član 10.
(Mirovno vijeće za područje kantona)

Formiranje mirovnog vijeća za područje kantona, njegov sastav, način rada i druga pitanja koja se odnose na rad tog mirovnog vijeća, uređuju se propisom kantona.

DIO TREĆI - POSTUPAK MIRNOG RJEŠAVANJA RADNIH SPOROVA

Član 11.
(Pokretanje postupka)

- (1) Postupak mirnog rješavanja spora iz čl. 6. i 7. ovog zakona, pokreće se podnošenjem prijedloga Ministarstvu.
- (2) Prijedlog iz stava 1. ovog člana strane u sporu mogu da podnesu zajednički ili pojedinačno.
- (3) Prijedlog iz stava 1. ovog člana sadrži: ime, prezime i adresu, odnosno naziv i sjedište strana u sporu, oznaku predmeta spora, te podatke o predstavnicima strana iz člana 9. ovog zakona.
- (4) Ukoliko strane u sporu prijedlog iz stava 1. ovog člana podnose zajednički, u istom se pored podataka iz stava 3. ovog člana navode i podaci o miritelju kojeg su strane u sporu sporazumno izabrale sa Liste.
- (5) Strane u sporu, uz prijedlog iz stava 1. ovog člana dostavljaju dokumentaciju u vezi sa predmetom spora, kao i prijedlog dokaza i svjedoka, ukoliko ih imaju.
- (6) Ako je prijedlog iz stava 1. ovog člana podnijela jedna od strana u sporu, Ministarstvo će odmah po prijemu prijedloga isti dostaviti drugoj strani u sporu i pozivati je da se u roku od pet dana od dana prijema prijedloga izjasni da li prihvata mirno rješavanje spora.
- (7) O izjašnjenju iz stava 6. ovog člana Ministarstvo obavještava stranu koja je podnijela prijedlog za mirno rješavanje spora.
- (8) Ukoliko druga strana prihvati prijedlog za mirno rješavanje spora, dužna je u izjašnjenju iz stava 6. ovog člana dostaviti i podatke o svom predstavniku iz člana 8. ovog zakona.

Član 12.
(Izbor miritelja)

- (1) Miritelja sporazumno biraju strane u sporu sa Liste, u roku od tri dana od dana prihvatanja pojedinačnog prijedloga, o čemu obavještavaju Ministarstvo.
- (2) Ako strane u sporu sporazumno ne odrede miritelja, određuje ga federalni ministar.

Član 13.

(Učešće miritelja u postupku mirnog rješavanja radnog spora)

- (1) Miritelj učestvuje u:
 - a) individualnom radnom sporu, i
 - b) kolektivnom radnom sporu,
- (2) Ministarstvo će dostaviti prijedlog i dokumentaciju u vezi sa predmetom spora miritelju koji je određen za rješavanje spora.

Član 14.

(Učešće miritelja u individualnom i kolektivnom radnom sporu)

Miritelj u individualnom i kolektivnom radnom sporu:

- a) prisustvuje razgovorima strana u sporu;
- b) predlaže moguća rješenja;
- c) utvrđuje činjenice od značaja za mirno rješavanje radnog spora;
- d) daje preporuke u vezi sa načinom rješavanja radnog spora;
- e) pruža stručnu i drugu pomoć učesnicima.

Član 15.

(Postupak mirenja u djelatnostima od javnog interesa)

- (1) Izuzetno od člana 3. ovog zakona, u djelatnostima od javnog interesa kao i u djelatnostima u kojima bi prekid rada mogao da ugrozi život, ličnu sigurnost i zdravlje ljudi ili da nanese štetu većih razmjera (zdravstvo, elektroprivreda, vodoprivreda, PTT usluge, međunarodni saobraćaj i dr.), strane u kolektivnom sporu dužne su da iznesu spor pred mirovno vijeće, u roku od tri dana od dana nastanka spora.
- (2) Ukoliko strane u kolektivnom sporu ne iznesu spor pred mirovno vijeće u roku iz stava 1. ovog člana, dužne su da o tome obavijeste federalno, odnosno kantonalno ministarstvo nadležno za rad.
- (3) Federalni, odnosno kantonalni ministar će po službenoj dužnosti pokrenuti postupak mirenja, odnosno odrediti mirovno vijeće sa Liste.

Član 16.

(Provođenje postupka mirnog rješavanja radnog spora)

- (1) Kada se strane u sporu usaglase o učešću miritelja, on je dužan da u roku od tri dana od prijema dokumentacije zakaže sastanak sa predstavnicima sindikata i poslodavaca iz člana 9. ovog zakona, koji čine tijelo za mirno rješavanje radnog spora.
- (2) Miritelj je dužan da zakaže raspravu u roku od tri dana od dana održavanja sastanka iz stava 1. ovog člana, o čemu obavještava strane u sporu.

- (3) U postupku rješavanja radnog spora, miritelj ima pravo da traži i prikuplja informacije, dokaze i druge podatke od strana u sporu, kao i da predloži vještake i druge stručnjake, uz saglasnost i o trošku strana u sporu.

Član 17.

(Sporazum o predmetu spora)

- (1) Sporazum koji strane u sporu postignu u postupku mirenja zaključuje se u pisanoj formi i obavezujući je za obje strane.
- (2) Ako je između strana u postupku zaključen kolektivni ugovor, sporazum zaključen u postupku mirenja postaje sastavni dio kolektivnog ugovora.
- (3) Primjerak potpisanog sporazuma iz stava 1. ovog člana miritelj dostavlja Ministarstvu.
- (4) Ako strane u sporu, uz pomoć miritelja u roku od 15 dana, od dana održavanja rasprave iz člana 16. ovog zakona ne zakluče sporazum o predmetu spora, miritelj proglašava mirenje neuspjelim i o tome obavještava strane u sporu i Ministarstvo.

Član 18.

(Arbitraža)

- (1) Ukoliko strane u sporu ne riješe spor u postupku mirenja, rješavanje spora mogu sporazumno povjeriti arbitražnom vijeću.
- (2) Arbitražno vijeće iz stava 1. ovog člana sastoji se od tri člana. Svaka strana u sporu bira svog arbitra sa Liste, a trećeg arbitra sa Liste imenuje federalni ministar, koji obavlja poslove predsjedavajućeg arbitražnog vijeća.
- (3) Arbitražno vijeće iz st. 1. i 2. ovog člana formira rješenjem federalni ministar, u skladu sa ovim zakonom.
- (4) Protiv rješenja iz stava 3. ovog člana nije dozvoljena žalba, ali se može pokrenuti upravni spor.
- (5) Strane u sporu su dužne da dostave arbitražnom vijeću svu dokumentaciju o predmetu spora, kao i imena lica koja treba saslušati u postupku.
- (6) Predsjedavajući arbitar je dužan da zakaže raspravu u roku od tri dana od dana prijema dokumentacije o predmetu spora o čemu obavještava strane u sporu.
- (7) Arbitražno vijeće iz stava 1. ovog člana donosi pravila o postupku pred tim vijećem.
- (8) Administrativne poslove za arbitražno vijeće vrši Ministarstvo.
- (9) Formiranje arbitraže za područje kantona, njegov sastav, način rada i druga pitanja, uređuju se propisom kantona.

Član 19.


(Postupak pred arbitražnim vijećem)

- (1) Predsjedavajući arbitar rukovodi raspravom, uzima izjave od strana u sporu i drugih lica u postupku ukoliko ocijeni da je to potrebno.

- (2) Strane u sporu imaju pravo da se pred arbitražnim vijećem izjasne o predmetu spora i o navodima druge strane u sporu.
- (3) Ako jedna od strana u sporu neopravdano izostane sa rasprave arbitražno vijeće može da održi raspravu u njenom odsustvu, uzimajući u obzir dokumentaciju koju je ta strana dostavila.

Član 20.
(Odluka arbitražnog vijeća)

- (1) Arbitražno vijeće temelji svoju odluku na zakonu, drugom propisu, kolektivnom ugovoru i na pravičnosti.
- (2) Odluku o predmetu spora arbitražno vijeće donosi većinom glasova u roku od 30 dana od dana otvaranja rasprave, te primjerak dostavlja stranama u sporu i Ministarstvu.
- (3) Odluka arbitražnog vijeća je konačna i obavezujuća za strane u sporu, te se smatra izvršnom ispravom.
- (4) Ako je između strana u sporu zaključen kolektivni ugovor, odluka arbitražnog vijeća ima pravnu snagu i dejstvo kolektivnog ugovora.
- (5) Odluka iz stava 1. ovog člana sadrži:
 - a) ime, prezime i adresu, odnosno naziv i sjedište strana u sporu,
 - b) izreku,
 - c) obrazloženje,
 - d) datum donošenja odluke i
 - e) imena, prezimena i potpise arbitara.

Član 21. 
(Sudsko odlučivanje)

Ukoliko strane u sporu ne riješe spor u postupku mirenja i rješavanje tog spora ne povjere arbitražnom vijeću, mogu zatražiti sudsko odlučivanje o tom sporu, u skladu sa zakonom.

Član 22.
(Izuzete miritelja i arbitara)

- (1) Strana u sporu može Ministarstvu podnijeti zahtjev za izuzete miritelja ili arbitra u slučaju:
 - a) ako zastupa neku od strana u sporu ili je zastupao neku od strana u sporu u posljednje tri godine,
 - b) ako je srodnik neke od strane u sporu u pravoj ili pobočnoj liniji do četvrtog stepena i u tazbinskoj liniji do drugog stepena,
 - c) ako je povezan sa stranama u sporu na bilo koji način koji bi mogao da utiče na njegovu nepristrasnost.

- (2) O zahtjevu iz stava 1. ovog člana odlučuje federalni ministar rješenjem protiv kojeg nije dozvoljena žalba, ali se može pokrenuti upravni spor.

Član 23.

(Evidencija o postupcima mirnog rješavanja radnih sporova)

Ministarstvo vodi evidenciju o postupcima mirnog rješavanja radnih sporova iz čl. 6. i 7. ovog zakona, a naročito:

- a) ime, prezime, adresu, odnosno naziv i sjedište strana u sporu,
- b) ime i prezime miritelja, odnosno arbitra,
- c) predmet spora, datum pokretanja postupka,
- d) datum okončanja spora i način kako je spor riješen.

DIO ČETVRTI - MIRITELJI I ARBITRI

Član 24.

(Izbor miritelja i arbitara)

- (1) Za miritelja i arbitra može da bude izabrano punoljetno lice koje ispunjava sljedeće uvjete:
 - a) da je državljanin Bosne i Hercegovine,
 - b) da ima visoku stručnu spremu, odnosno visoko obrazovanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja i najmanje pet godina radnog iskustva u oblasti radnih odnosa,
 - c) da je istaknuti stručnjak u oblasti radnih odnosa, odnosno da ima iskustvo u oblasti kolektivnog pregovaranja,
 - d) da nije osuđivano za krivično djelo.
- (2) Izbor miritelja i arbitara vrši se putem javnog poziva koji objavljuje Ministarstvo.
- (3) Listu miritelja i arbitara utvrđuje federalni ministar u roku od 15 dana od dana isteka roka za podnošenje prijave na javni poziv iz stava 2. ovog člana.
- (4) Lista iz stava 3. utvrđuje se na period od četiri godine i objavljuje se u „Službenim novinama Federacije BiH“.

Član 25.

(Lista miritelja i arbitara)

- (1) Listu vodi vodi Ministarstvo, a sadrži slijedeće podatke:
 - a) ime, prezime i adresu miritelja, odnosno arbitra,
 - b) stručnu spremu,
 - c) naziv i sjedište poslodavca miritelja, odnosno arbitra ako je u radnom odnosu,
 - d) broj i datum Liste kojom je utvrđen izbor miritelja, odnosno arbitra.